

Бекітемін

«Балақай-Алақа» бөбекжай
балабақша меңгерушісі;

А.Рустамова



2022-2023 оқу жылының

Өндірістік кеңес

Өндірістік кеңестің
№1 хаттамасы

Күн тәртібі:

26.08.2022ж

Қатысқандар: 13

1. Қызметкерлерді лауазымдық міндеттерімен таныстыру
2. Техникалық қауіпсіздік ережелерімен таныстыру балалар өмірі мен денсаулығын қорғау бойынша нұсқау өткізу
3. Стандарт талаптарына сай топтарды жабдықтау жұмысын жүргізу, балалар тізімін анықтау

1.Тындалды: балабақша меңгерушісі А.Рустамова бірінші сұрақ бойынша сөз алды. Біздің мекеме жекеменшік мекеме болып табылады. Балабақшада мектепке дейінгі жастағы балалардың оқу тәрбие жұмыстары ұйымдастырылады. Оны ұйымдастыратын жағдай жасайтын осы ұжымның барлық қызметкерлерінің атқаратын өз міндеттері бар. Әрбіріңіз өз лауазымды міндет бойынша міндеттеріңізбен танысып оны орындаймын деп растау үшін өз қолдарыңызды қойыңыздар. Қол қойған уақыттан бастап ең әуелі бала қауіпсіздігі мен денсаулығына жауап береміз. Және де ішкі еңбек тәртіп ережесін қатаң түрде сақтауымыз керек. Ұжымда сіздерден жауапкершілікті, ұйымшылдықты, еңбекқорлықты, бірлік пен ынтымақтастықты көрем деп сенемін. Және сондай болуын талап етемін. Келешек ұрпақ тәрбиесінде аянбай еңбек етіп, ата-аналардың үмітін ақтап, тәжірибемізді, кәсіби шеберлікті арттырайық. Үнемі ізденіс үстінде жүруіміз шарт және де балабақшада жалпы және жеке бас тазалығын сақтап қызметке лайықты формада жүру керектігін ескертемін.

2.Тындалды: Екінші мәселе бойынша балабақша меңгерушісі А.Рустамова сөзге шығып өз сөзін жалғастырды: Мен өз сөзімде айтып өткендей біздің мақсатымыз балаларға оқу тәрбие жұмысымен қатар өз өмірлеріне қауіпсіздігін сақтауға дағдыландыруымыз қажет. Және де біз оған жауаптымыз. Бала өмірінің қауіпсіздігін сақтауыңызды ескертемін.

Ережемен толық танысып растау үшін қол қойыңыздар. Қауіпсіздік ережесі төмендегіше:

-Электр жүйесіне абай болыңыздар

- Жылыту жүйесін , ыстық суды абайлап қолданыңыздар

-газды ашық қалдырмаңыздар

- Пышак, сiрiңке, қаламсап тағы да басқа қауiптi заттар биiкте тұрсын

-Жаңа жылдық от шашулар бала қасында тұтатылмасын. Абай болыңыздар.

-Тез тұтанатын мақтадан, түктi киiмдерден сақ болыңыздар. Өрт қауiптi екенiн естен шығармаңыздар.

Сақтанудан еш тыс қалмай ереженi өмiр және техника қауiпсiздiгiн қатаң түрде сақтауларыңызды талап етемiн.

3.Тыңдалды :Үшiншi мәселе бойынша балабақша әдiскерi Б.Байжанова стандарт талаптарына сай топтарды жабдықтау жұмысы жүргiзiлiп, балалар тiзiмiн анықтау бойынша сөз қозғады. Ол өз сөзiнде: Қазақстан Республикасының Бiлiм және Ғылым министрлiгi бекiткен мемлекеттiк жалпыға мiндеттi бiлiм беру стандартында мектепке дейiнгi мекемелерде педагогикалық процестерде ұйымдастыруға жалпы талаптар пәндiк-дамытушы ортасын ұйымдастыру үшiн талаптар берiлген. Бiз осы талаптарды атап айтсақ:

-Дамыту орта бала өмiрiн ұйымдастыруды қамтамасыз ететiн материалдық-техникалық, эстетикалық жағдайлардың кешенiне сәкес келедi.-Орта қауiпсiз, жайлы, қолайлы болуға тиiс.Ортаның мазмұны мәдени-тарихи құндылықтарға, ұлттық дәстүр, климат, жергiлiктi жердiң өндiрiстiк өзгешелiктерiне сәйкес келуi тиiс. Балалар тiзiмi анықталып топқа бөлiндi. Жас ерекшелiктерiне сай бағдарлама бойынша оқу – тәрбие жұмысы жүргiзiледi деп атап өттi.

Шешiм:

1. Барлық қызметкерлер лауазымдық мiндеттерiн жауапкершiлiкпен атқарсын, техникалық қауiпсiздiк нұсқаулық ережелерi сақталсын.
2. Берiлген нұсқаулықпен танысып, техникалық нұсқаулық ережелер сақталсын
3. Тәрбиешiлер топ бөлмелерiн дамытушы орта құрып, безендiрiп көрнекiлiкпен жабдықтасын.

Төрелiм:  А.Рустамова
Хатшы:  Г.Түкей



Өндірістік кеңестің №2 хаттамасы

Қатысқандар:12

26.12.2022ж

Күн тәртібі:

1. Өткен кеңестің шешімдерінің орындалуы жөнінде
2. Жылу мәселесі
3. Жаңа жыл мерекесінде қауіпсіздік ережесіне сақтау
4. Қысқы маусымдағы қар, мұздан балаларды сақтау.

1.Тыңдалды:Өткен кеңестің шешімдерінің орындалуы жөнінде Сөйледі: А.Рустамова балабақша меңгерушісі топтарда бала саны анықталып, топталды. Жас ерекшелігіне сай ұйымдастырылған оқу қызметінің кестесі бекітілген, оқу тәрбие ісі жүргізілуде. Стандарт талаптыран сай жабдықталған. Әр топта қажетті ата-аналар, табиғат, еңбек, денсаулық, кітап, кезекші бұрыштары безендірілген, оқу ісіне қажетті көрнекіліктер, суреттер, альбомдар, үлестіргемелі, дидактикалық материалдар жинақталған. Ашық ұйымдастырылған оқу іс-әрекеттері, тіл мерекесі, күз мерекесі аталып өткізілді. Әрбір қызметкер балалар өмірінің қауіпсіздігін ескере отырып, іс-шараларға ұйымдастыруда. Үнемі бала өміріне жауапты екенімізді естен шығармайық деді.

2.Тыңдалды:Жылу мәселесі

Сөйледі: О.Жұмаділла – балабақша медбикесі -күннің суытуына байланысты жылу жұмыстары іске қосылды. Қазандықтар жақсы жұмыс істеп тұр. Жылу жүйесі үнемі қадағалануда. Бөлме жылулық температурасы +21 °С да сақталуда. Терезелер мен еденнің ақаулары жөнделді. Жылу жүйесі бір қалыпты жұмыс істеуде. Балалардың қауіпсіздігі ескерілген

3.Тыңдалды: Жаңа жыл мерекесінде қауіпсіздік ережесіне сақтау

Сөйледі: А.Рустамова жаңа жылдық мерекеге арналған «Жасыл шырша»мерекесін тойлауға әзірленудеміз. Безендіру мен өткізу жұмыстары жоспарлануда. Мереке қызықты өту үшін әрине әдемі түрлі түсті ойыншықтар, шырақтар, отшашулар мен музыкалық тосын сәттер ұйымдастыруда қауіпсіздік ережесін сақтап, абай болуларыңызды тапсырамын. Ата-аналармен түсіндіру жұмыстары жүргізілсін, ережені қатаң сақтаңыздар. Бір сәттілік отшашу, үлкен қайғы әкелмеуіне кім кепіл, оған жол бермей, алдын алу жұмыстары жүргізілсін деп сөзін аяқтады.

4.Тыңдалды: Қысқы маусымдағы қар, мұздан балаларды сақтау.

Сөйледі: А.Рустамова сонымен бірге қысқы ауа рай, ақ қар, көк мұздан сақтану жұмыстары жүргізілсін. Бақшаға кіру жолдары, баспалдақтың қар, мұзын ерте келіп тазалау қажет. Таңертең ата-аналар балаларымен бірге

тайып жыгылмау үшін, кілемшелер төселіп, сақтандыру жұмыстарын жүргізуді тапсырамын. Шатырлардың мұздарын балалар көп жүретін жерлерін түсіріп, қағу керек. Басына түсіп жарақат алып қалмасын. Аула сыпырушы мен жұмысшы қызметкерлер жұмыстарын дұрыс атқаруды тапсырамын. Қадағалауды мебдике О.Жұмаділлә мен шаруа меңгерушісі А.Рустамова бекітемін деді.

Шешім:

1. Бөлмелер жылулығы $+21^{\circ}\text{C}$ температурада сақталсын. Жауапты: мебдике О.Жұмаділлә ,шаруа меңгерушісі А.Рустамова
2. «Жасыл шырша» мерекесінде қауіпсіздік ережесі сақталсын. Жауапты: Тәрбиешілер. Меб бике О.Жұмаділлә
3. Аула қар, мұздан күнделікті тазалансын. Жауапты: Шаруа меңгерушісі, меб бике

Төрайым:

Хатшы:



А.Рустамова

О.Жұмаділлә

Өндірістік кеңестің №3 хаттамасы

14.03.2023ж

Қатысқандар:13

Күн тәртібі:

1. Өткен кеңестің шешімдерінің орындалуы
2. Балаларды еңбекке баулу жұмыстарын жоспарлау
3. «Әже ертегі айтып берші» Халықтық педагогикаға тәрбиелеу. Ата-аналарға арналған жылжымалы папка шығару.

1.Тыңдалды:

Өткен кеңестің шешімдерінің орындалуы

Сөйледі: Балабақша меңгерушісі А.Рустамова өткен кеңестің шешімдерінің орындалуына тоқталып өтті. Педагог азаматтарымыз бір ұлттың келешегін тәрбиелеп отырғанын естен шығармауға тиісті. Сол білімнің алғашқы дәндері, сатысы балабақшада қалыптастатынын білеміз. Жақсы дағдыларды, мінез-құлық, таным, ақыл-ой өрісінің дамуы, әлеуметке енуі, үлкендермен қарым-қатынас, құрдастарымен араласып, ойын бөлісуі, ережеге, тәртіпке бағынуы, тазалыққа бейімделуі, кимыл іс-әрекетінің дамуы барлығы сіздердің қадағалауларыңызбен оқу-тәрбие үдерісі кезінде іске асырылады.

2.Тыңдалды:Балаларды еңбекке баулу жұмыстарын жоспарлау

Сөйледі:Балабақша әдіскері Г.Түкей оқу-тәрбие үдерісінің балалардың өмірін ұйымдастыру кезінде серуенде балалармен тыстағы еңбек жоспарланады. Балаларды балабақшаның тазалығына көңілін бөліп, үлкендер жұмысына мән беріп, сыйлауға үйретудеміз. Ауланы көгалдандыру қажеттігін, гүлдер егіліп күтіп-баптауға, дала құстарына ұя жасап, жем беру, қояндар, құстар, балықтар мен үй құстарына жем – шөп беріп күтіп баптауға, еңбек етуге үйретуіміз қажет.

Сонымен бірге топтағы заттарды орындарына қою, кітаптарды реттеу, кезекшілік ету, табиғат бұрышындағы гүлдерді күтіп баптауға, гүл етуге, жапырағының шаңын сүрту, түбін қопсыту, су құю, сияқты жұмыстарды атқаруға үйретеміз. Балалар еңбек ете отырып өзіне-өзі қызмет етуді үйренеді, тазалық пен тәртіпке, ұқыптылыққа үйренеді. Әр бала өз жас ерекшелігіне сай өзіне-өзі қызмет етуге үйренгені жөн. Және ондайға үйретуде ата-ананың да қызметі зор, үйде де тапсырмалар орындап үйренуі қажет. Жүйелі, тиімді жоспарлап балаларды еңбекке баулиық, ұқыптылыққа тәрбиелейік деп сөзін аяқтады.

3.Тыңдалды:«Әже ертегі айтып берші» Халықтық педагогикаға тәрбиелеу. Ата-аналарға арналған жылжымалы папка шығару.

Сөйледі: Балабақша меңгерушісі А.Рустамова- елімізде әр түрлі ұлттар өмір сүреді, олардың салт-дәстүрлері, тілі, мәдениеті, әдет-ғұрпы да әр түрлі. Әр біздің өз тіліміз, дініміз, мәдениетіміз бен ауыз әдебиетіміз бар. Атадан-атаға мұра болып келе жатқан халық ауыз әдебиетінің тәрбиелік мәні зор. Аңыз-әңгіме, ертегі, хиссалар, жырлар арқылы балалардың бойында үлкенге құрмет, қамқорлық, әлсізге көмектесу, батылдық, сұлулыққа тәрбиелеу, өнерге тәрбиелеу, еңбекқорлыққа, мейірімділікке тәрбиелеуге әрекет етеміз. Ата-аналармен бірлесе отырып, балаларды ертегі, аңыз әңгімеге, жаңылтпаштар мен мақал-мәтелдер айтуға, тіл байлығын, ой-өрісін, сөздік қорын байытамыз. Топтардың жасаған жылжымалы папкалары ата-аналар бұрышына қойылып, ұсынылсын.

Шешім:

Өткен кеңес шешімдерінің орындалуы қадағалансын.

1. Балалардың өмірін ұйымдастыруда еңбек жүйелі жоспарланып, жүргізілсін.
2. Ата-аналарға арналған жылжымалы папкалар, ата-аналарға ұсынылсын.

Төрейым:  А.Рустамова
Хатшы:  О.Жұмаділла



**Өндірістік кеңестің
№4 хаттамасы**

29.05.2023ж

Қатысқандар:13

Күн тәртібі:

1. Өткен кеңестің шешімдерінің орындалуы
2. Жазғы сауықтыру балалардың денсаулығын нығайтуға арналған іс-шараларды бекіту
3. Іш ауруының алын алу. медициналық кеңестер
4. Жазғы жөндеу жұмыстары туралы

1.Тыңдалды: Өткен кеңестің шешімдерінің орындалуы

Сөйледі балабақша әдіскері: Г.Түкей- әр топта халықтық педагогикаға арналған жылжымалы папкалар жасалып, ата-аналарға ұсыныс, кеңестер берілді. Балаларға арналған санамақтар, жаңылтпаштар, аңыз әңгімелер, ертегілер мазмұны берілген жылжымалы папкалардың көмегі тиді. Олар өздері білетін түрлерін де үйде естеріне түсіріп, балаларға айтып берген. Ата-аналар күнделікті күйбең тірлікпен айналысып, балалар тәрбиесіне уақыт таба бермейді.Педагогикалық білім мен психологиялық қолдау көрсету біздің міндетіміз. Сонымен бірге кейбір ата-аналар балалардың өзі атқаратын нәрселерін де өздері жасауға әрекеттенеді. Өзіне-өзі қызмет етуге, тапсырма беруді ұмытады, тиянақтамайды. Ал, кейбір балалар тапсырманы тез уақытта орындайды.Кезекшілік атқарады, топтағы ойыншықтарды жуып, реттейді, табиғат бұрышындағы жануарлар мен құстарға жем береді, қамқорлық етеді, Сонымен бірге еңбек сыртта да жоспарланып өткізіледі. Аула тазалығы, гүлдерді суғару, арам шөптерін жұлу, аула сыпырушыға көмектесу жұмыстары жүргізілуде.

2.Тыңдалды: Жазғы сауықтыру балалардың денсаулығын нығайтуға арналған іс-шараларды бекіту

Сөйледі: А.Рустамова балабақша менгерушісі міне, жаз да келіп жетті. Жыл бойғы тапсырмалардан, сабақтан балаларды кішкене босатып, жазға арналған сауықтыру шаралары мен қызықты, көңілді іс-шаралар жоспарланды. Жоспарлармен таныстым. Ойындарға көбірек көңіл бөліңіздер. Ойын түрлері түрленіп, отырсын. Дидактикалық, сюжеттік-рөлдік, кимылды ойындар, сөздік ойындар, табиғи материалдармен, спорттық ойындар, эстафеталық жарыстар, ұлттық ойындар, сахналау, қуыршақ театры,серуендер түгел қамтылуын тапсырамын. Ұйымдастыру кезінде ең бірінші балалар мен денсаулықтарыңыздың қауіпсіздігін, қолайлы, ыңғайлы болуын ескеріңіздер. Сауықтырулар шараларына үнемі медбикенің қатысуымен өткізуді тапсырамын деді.

3.Тыңдалды: Медициналық кеңестер

Сөйледі: О.Жұмаділлә балабақша медбикесі балабақша қызметкерлеріне арналған кеңестер берді. Балалардың режимдік процестерге көзқарастарының дұрыс қалыптасуы үшін айналада тұрақты жағдайды қамтамасыз етуі, әрбір баланың жас ерекшелігін ескере отырып, мәдени-гигиеналық және еңбек дағдыларын қалыптастыру, емдік, сауықтыру, шараларына ата-аналардың үлес қосуына ықпал ету жөнінде айтып өтті.

4.Тыңдалды: Жазғы жөндеу жұмыстары

Сөйледі: А.Рустамова балабақша ғимаратының ішкі және сыртқы жерлерінде қажет етілетін жерлерін сыбап, ақтап, сырлау қажеттігін, жөндеу жұмыстары кезінде қауіпсіздік ережесін сақтауды тапсырды.

Шешім:

1. Өткен кеңес шешімдерінің орындалуы қадағалансын.
2. Жазғы сауықтыру шаралары жоспар бойынша жүйелі жүргізілсін.
3. Іш ауруының алы алу жұмыстары жүргізілсін.
4. Жазғы жөндеу жұмыстары жүргізілсін, қауіпсіздік ережесі сақталсын.

Төрайымы:
Хатшы:



А.Рустамова
О.Жұмаділлә